

CBETA電子佛典集成

CBETA Chinese Electronic Tripitaka Collection
eBook

T20n1165

聖持世陀羅尼經

宋 施護譯

目次

- [編輯說明](#)
- [章節目次](#)
- [卷目次](#)
 - .001,
- [贊助資訊](#)

編輯說明

- 本電子書以「CBETA 電子佛典集成 Ver si on 2023 .Q4」為資料來源。
- 漢字呈現以 Uni code 3.0 為基礎，不在此範圍的字則採用組字式表達。
- 梵文悉曇字及蘭札字均採用羅馬轉寫字，如無轉寫字則提供字型圖檔。
- CBETA 對底本所做的修訂用字以紅色字元表示。
- 若有發現任何問題，歡迎來函 service@cbeta.org 回報。
- 版權所有，歡迎自由流通，但禁止營利使用。

No. 1165 [Nos. 1162-1164]

聖持世陀羅尼經

西天譯經三藏朝散大夫試鴻臚少卿傳法大師臣施護奉 詔譯

爾時，持世菩薩白佛言：「世尊！若復有人，受持、讀誦此陀羅尼者，云何受持？願佛演說。」

爾時，世尊告持世言：「若復有人，於初二月白月一日，於彼獨注入海之河，乃入水中。水至乳已，面東向日，合掌而立，始從日出，限至日沒，誦持此呪。從水出已，絕食七日，日夜誦持，勿共人語，然後乃畫持世本形。將欲塗彩，用珍重心，以白栴檀香水塗絹，乃經一宿，表心供養。命畫匠師令受齋戒，澡浴新衣，起珍重心，依法莊彩。像高十肘，橫廣三肘，色彩深綠，座於蓮華，莊嚴無量，色彩鮮潔，光明如日，右手執果，左手安慰，容貌熙怡。座前龍王，手捧寶匣、真珠、寶瓶、珊瑚、碼碯、金銀、琉璃，種種眾寶，淨心供養。上安諸天，寶雲兩網大吉祥天，手捧蓮華右邊安慰；吉祥寶掌左邊侍立，形色圓滿，瓔珞嚴身，手捧蓮華作安慰相。持世之像，舍利處安闍伽香水、種種細食、花鬘、酥油，然燈供養。復用妙花、酥油、香燈、飲食，種種供養頻那及於夜伽，希無魔事。伸供養已，復用檀栴沈水及諸妙香酥、香油燈，無量供養。面對觀想菩薩像前，志心專注，端坐持誦。始從寅時入於壇內，或一七日、或二七日乃至一日，至日出時，期願必應，悉皆成就。」

爾時，世尊告持世言：「若復有人，復於夜半入在水內，誦持此呪滿八百遍，於當月內獲滿所願。」

佛告持世：「若復有人，復於夜半依法誦持持世菩薩，依法潔淨，於六月內，必獲所願。」

佛告持世：「若復有人藏於財物，後時廢忘，依法誦持，財物必得。」

佛告持世：「若復有人欲求榮位，晝入水內誦持此呪至於夜半，復用胡麻而作護摩，一粒一念，一遍一燒，至八百遍，必獲大喜，富貴滿足。」

佛告持世：「若復有人，用白芥子與酥相和，一念一粒，一遍一燒，准前作法，亦作護摩，王獲喜慶，國土無災。」

佛告持世：「若復有人，用妙乳香與酥相和而作護摩，准前作法，能息大臣所有災難。」

佛告持世：「若復有人，於夜半內志心誦持菩薩名號，依法護淨，一七日內獲大財喜成就具足。」

佛告持世：「若復有人，白月一日起首作法，受持齋戒，於舍利處安菩薩像，依法供養、憶念、誦持菩薩名號，志心期願，必現化形於前慰安，獲不退轉，起菩薩行。」

佛告持世：「若復有人，素食梵行，斷食酒肉，日夜恒誦，獲大富貴。」

爾時，世尊說此儀軌名根本呪，即於眾會而說呪曰：

「曩謨(引) 囉(引)怛曩(二合)怛囉(二合)夜野 唵(引)(一) 嚩蘇馱哩(引)薩嚩(二合引)賀(引)(二) 唵(引)洛乞叉弭(三合引) 步多攞(三) 儺嚩(引)悉甯曳 薩嚩(二合)賀(引)(四)」

爾時，世尊說此呪已，告持世言：「所有印法，以表心法，亦名外表。作此印時，用於兩手，合掌虛中，復用頭指拳在中間，無名指豎，小指如計而互相交，中指形狀直量如針。此印形相，住彼八方，各各相離。此持世軌儀之印，依法結印，誦持明呪，一切所願皆得成就，廣利有情。」

爾時，世尊而說呪曰：

「唵(引) 室哩(二合)曳 室哩(二合引)迦哩 馱曩迦哩 馱(引)禰也(二合)迦哩 薩嚩(二合引)賀(引)」

爾時世尊說此呪已，告持世言：「此三昧印，應先合掌，用大母指屈入掌內。此名持世三昧之印。」

爾時世尊而說呪曰：

「唵(引)三麼曳掃彌曳(二合)三麼野迦哩麼賀(引)三麼曳薩嚩(二合引)賀(引)」

爾時，世尊告持世言：「此三昧印神呪如是。」

「復次，持世！應用頭指，及於中指第三節屈，大母指豎。此印名為持世菩薩根本之印，召請聖賢及送聖賢，皆作此印。」

佛告持世：「應用頭指向外橫舒，此名花印。」爾時，世尊而說呪曰：

「唵(引) 嚩蘇地 薩嚩(二合引)賀(引)」

佛告持世：「此花印呪如是受持。」

爾時，世尊復告持世：「若復有人，應用中指而各橫舒，此名香印。」

爾時，世尊而說呪曰：

「唵(引) 嚩蘇馱哩 薩嚩(二合引)賀(引)」

爾時，世尊說此呪已，告持世言：「若復有人，用無名指向外而舒，名塗香印。」爾時，世尊而說呪曰：

「唵(引) 嚩蘇麼底室哩(二合引)曳 薩嚩(二合引)賀(引)」

爾時，世尊說此呪已，告持世言：「若復有人，應用小指與大母指相捻而作，餘三指舒，如三股金剛，此名燈印。」

爾時，世尊而說呪曰：

「唵(引) 嚩蘇馱(引)囉拏 薩嚩(二合引)賀(引)」

爾時，世尊說此呪已，告持世言：「若復有人，應用二手如掬水勢，用大母指交結過在頭指已外，此名食印。」

爾時，世尊而說呪曰：

「唵(引) 馱囉拏 馱(引)囉拏 薩嚩(二合引)賀(引)」

爾時，世尊說此呪已，告持世言：「諸餘供養，同根本印，呪加護之。若常用法，以常呪印而加持之。」

「若復有人，彩畫持世菩薩之像，應用新絹，細妙無瑕。依佛肘量，長可二尺，橫一尺。像上安佛，右邊觀音聖自在像，左邊建立金剛手像，從佛中間安持世像，像形金色。菩薩右手作施願相，莊嚴種種真珠、瑠璃，乃至碼碯皆用嚴飾。於下右邊安誦持人，右手頂禮，左手持冠。於白月內圖畫菩薩，於此誦持一十萬遍，隨力供養。」

爾時，世尊告持世言：「若復有人將欲種田，誦持之人澡浴新衣，受持齋戒，以菩薩像安在田中，復用塗香、花鬘、瓔珞、細妙飲食珍重供養，念菩薩名至八百遍，又於像前加持香水，誦八百遍，滿注賢瓶，安在像前，令種田人及牛耒[耒*目]行列而立，以賢瓶水乃用灑之，并誦持人灑之亦爾。令誦持人繞此田地及彼人牛，行於七匝，然可下子。」

爾時，世尊告持世言：「若復有人將欲收田，於地四隅安僧，令齋，飲食如法。此誦持人沐浴淨衣，受持齋戒。復用尊像安置田中，復用華香、燈燭、飲食，種種供養，誦呪加持滿八百遍，復於像前香水滿瓶，誦八百遍，復加持之。菩薩尊像面東安置，塗香、酥油、花鬘、飲食淨心供養，穀實倍增，離諸災難。」

爾時，世尊告持世言：「若復有人，於此穀聚四隅之間，安四童女，著新淨衣，素食令齋，誦持此呪而加持之，穀亦增多，災難不侵。」

「復次，持世！若量穀時，彼人想念菩薩尊號，若誦持人，不得出聲，默念專志。量畢已來，亦乃倍增。」

佛告持世：「若復有人，田初熟時，應先供養佛及聖眾，增福無量不可稱讚。」

爾時，世尊告持世言：「若復有人，於收藏時，先於倉內畫二矮人，裸形大肚，手執栲栳，作瀉穀勢，穀形金色。於此倉內陳設種種，然後倉內燒眾妙香，及以眾花、闍伽、香水、傘蓋、幢幡并諸供養，復將菩薩安於倉內，復用牛乳灑在倉內，誦持真言，除去諸物，方入財穀，吉祥無患。」

「復次，持世！於此庫藏陳設新食，香花供養，受持讀誦此陀羅尼，離諸災難。復次，持世！若復有人，而用綵帛書寫《持世陀羅尼經》，復用香熏讀誦頂戴，增福無量，息除災難。」

佛告持世：「若人誦持，應先淨心誦八百遍此陀羅尼，日三時誦，所願必應，菩薩加祐。」

「復次，持世！若復有人求諸所願，於自所止，向東北隅，起聖持世菩薩形像，用妙綵帛依法圖寫，乃至工畢，潔淨安置，志心供養闍伽、香水、塗香、燒香、栴檀、沈水，種種眾香，復用五寶，及用五藥乃至五穀。闍伽之瓶以帛覆上，勿開此瓶，依法誦持此陀羅尼，一切所願悉皆滿足，財物增長，獲福無量。」

爾時，世尊復告持世：「若有眾生欲作倉庫，隨量大小，若欲取時，應用酥食供養尊像，依法誦持此陀羅尼百二十遍。滿此數足，然後方出，息除眾難。」

爾時，世尊告持世言：「若復有人持財遠出，骨肉憂惱，用白莎草木濯取汁，牛黃、鬱金、龍腦、檀、麝和闍伽水，畫於舶船，淨心誦持此陀羅尼，財物速至，遠路平善，增長滿足。」

爾時世尊而說呪曰：

「怛爾野(二合)他(引) 唧隸 唧隸 阿譏蹉 阿譏蹉 娑譏嚩諦」

爾時，世尊說此呪已，復告持世：「此陀羅尼若有受持，能滿一切有情所願，譬如水大遍滿於地，又如日光能破諸闇，猶如月光與物清涼。」爾時，世尊而說呪曰：

「怛爾野(二合)他(引) 馱曩努(一) 嚩嚩拏(二) 室窣(二合引)嚩
(三) 印捺囉(二合)(四) 室窣(二合引)嚩(五) 蘇諦(引)惹娑(引)(六)
摩努(引)(七) 努譏讖(八) 唧哆野覩(九) 設哆檐(十) 薩那(引)鉢
囉(二合)野探(十一) 野他迦(引)楞(十二) 悉殿覩(十三) 滿怛囉(二
合)跋那(十四)(引) 爾賀(十五)(引)怛爾野(二合)他(引)(一) 佉吒佉吒
(二) 契致契致(三) 具卓具卓(四) 蘇嚩蘇嚩(五) 母嚩母嚩(六)
捫左捫左(七) 曩摩哩(八) 曩摩哩(九) 泥(去)呬泥(去)呬(十) 捺
(引)波野(十一) 捺(引)波野(十二) 鉢怛囉(三合)(十三) 底瑟姪(二合)
諦(十四) 呬囉拏野(二合)(十五) 蘇嚩囉拏(二合)(十六) 鉢囉(二合)
捺(引)波野(十七) 娑嚩(二合引)賀(引)(十八) 嚩蘇地(引)(十九) 娑嚩
(二合引)賀(引)(二十) 阿耨答半(二合)曩(引)野(二十一) 娑嚩(二合引)
賀(引)(二十二) 嚩護地(引)(二十三) 娑嚩(二合引)賀(引)(二十四) 嚩
蘇馱(引)(二十五) 地波哆曳(引)(二十六) 娑嚩(二合引)賀(引)(二十七)
愚矯(二合)(二十八) 娑嚩(二合引)賀(引)(二十九) 蘇囉鼻(引)(三十)
娑嚩(二合引)賀(引)(三十一) 印捺囉(二合引)野(三十二) 娑嚩(二
合引)賀(引)(三十三) 嚩嚩拏(引)野(三十四) 娑嚩(二合引)賀(引)(三十五)
吠(無蓋反)室囉(二合)摩拏(引)野(三十六) 娑嚩(二合引)賀(引)(三

十七) [寧*吉]世毘喻(二合引)(三十八) 尾[寧*吉]世毘藥(二合)(三十九) 娑嚩(二合引)賀(引)(四十)

「塢答波(二合引)捺演覩 弭劍(引)乞叉(二合)曩訶 阿尾囉訶曩拏謨 捺演覩(引) 唵(引) 怛蘇(二合)呬迷(引)[寧*吉](引)呬捺 捺(引)波野(引) 娑嚩(二合引)賀(引)」

爾時，世尊說此呪已，告持世言：「此呪名為『持世菩薩心陀羅尼』。若復有人淨心受持此陀羅尼，憶念不忘，能滅重罪，獲福無量，捨離三惡，圓滿富貴。於諸所願，無不具足，乃至究竟成無上果。」

爾時，持世菩薩及諸聖眾，聞佛所說，歡喜無量，頭面禮足，信受奉行。

聖持世陀羅尼經

[CBETA 贊助資訊](https://www.cbeta.org/donation/index.php)

[.\(https://www.cbeta.org/donation/index.php\)](https://www.cbeta.org/donation/index.php)

CBETA 成立於 1998 年，於 2023 年 8 月 7 日轉型成為基金會。成立多年來，一部部佛典在嚴謹控管中轉換為數位典藏，不只數量龐大，而且文字校訂精確可信，又加新式標點方便閱讀。「CBETA 電子佛典集成」不僅獲得國際學界的重視及肯定，也成為大眾廣為運用的公共資源，如此成果都是在廣大信眾及有識之士的支持下才得以實現。

對一個從事佛法志業的非營利團隊，能夠長期埋首理想、踏實耕耘是非常不容易的。如今，CBETA 運作經費日漸拮据，但「佛典集成」仍有許多未竟之功。因此，懇請大家慷慨解囊、熱情贊助，讓未來有更多更好的電子佛典。

您的捐款本會皆會開立收據，此收據可在年度中申報個人或企業的綜合所得稅減免。感恩諸位大德的善心善行，以及您為佛典電子化所做的一切貢獻。

信用卡線上捐款

本線上捐款與 netiCRM 及 NewbPay 藍新金流合作，資料傳送採用 SSL (Secure Socket Layer) 傳輸加密，讓您能夠安全安心地進行線上捐款動作。

不管您持有的是國內或國外卡，所有捐款最終將以新台幣結算，所以我們所開立的捐款收據也將以新台幣計。

線上刷卡支持定期定額與單筆捐款。(銀聯卡不支援定期定額)

[前往捐款](#)

劃撥捐款

郵政劃撥帳號：5 0 4 6 8 2 8 5

戶名：財團法人佛教電子佛典基金會

欲指定特殊用途者，請特別註明，我們會專款專用。

線上信用卡 / PayPal 捐款

PayPal 是一個跨國線上付款機制的公司，CBETA 引用其服務，提供網友能在線上使用信用卡或 PayPal 帳戶贊助 CBETA 。

PayPal is an online system of a global payment solution. CBETA uses its service to provide the uses to donate by using the credit cards or PayPal account to support the CBETA project .

相關收據開立事宜，由於付款幣別為美元，我們除了會依您所贊助之美元金額開立收據外，另我們會依捐款當日公告匯率開立台幣收據，此收據為國內正式合法報稅憑證。

Since the donation made is in US currency, hence all the receipts will be issued in the US dollars consequently. However for the domestic donators, a Chinese official receipt will also be made according to the foreign exchange rate for the purpose of tax deduction.

[線上信用卡 / PayPal 贊助](#)

支票捐款

支票抬頭請填寫「財團法人佛教電子佛典基金會」。

For donations by check, please write the check to
"Comprehensive Buddhist Electronic Text Archive
Foundation".
